



Educación
Secretaría de Educación Pública

POTOSÍ
sin límites
GOBIERNO DEL ESTADO 2021-2027



SEGE
SECRETARÍA DE EDUCACIÓN
DE GOBIERNO DEL ESTADO

EVALUACIÓN DIAGNÓSTICA DE LOS APRENDIZAJES

PARA LAS ALUMNAS Y LOS ALUMNOS
DE EDUCACIÓN BÁSICA

CICLO ESCOLAR 2026-2027

EJERCICIOS INTEGRADORES DEL APRENDIZAJE (EIA)

FASE 5



PRIMARIA

Xi'iny

San Luis Potosí, S.L.P.





DIRECTORIO

LIC. JOSÉ RICARDO GALLARDO CARDONA

GOBERNADOR CONSTITUCIONAL DEL ESTADO DE SAN LUIS POTOSÍ

LIC. DEYSI MARIBEL LÓPEZ SIERRA

SECRETARIA DE EDUCACIÓN

MTRO. JOSÉ GERARDO PERDOMO QUINTERO

DIRECTOR DE PLANEACIÓN Y EVALUACIÓN

MTRA. MARTHA ALAIDE RAMOS DÍAZ

DIRECTORA DE ADMINISTRACIÓN

LIC. JULIO CÉSAR MEDINA SAAVEDRA

DIRECTOR DE EDUCACIÓN BÁSICA

MTRO. ARMANDO MORALES MARTÍNEZ

DIRECTOR DE EDUCACIÓN INDÍGENA, BILINGÜE E INTERCULTURAL

PROF. MARTÍN RODRÍGUEZ RAMÍREZ

DIRECTOR GENERAL DEL SISTEMA EDUCATIVO ESTATAL REGULAR (SEER)

DCSH. SANDRA LUZ LÓPEZ RODRÍGUEZ

COORDINADORA DE EVALUACIÓN Y SEGUIMIENTO

COMISIÓN DE TRADUCCIÓN:

Mtra. Silvia Gerónimo Vázquez

Jefa del Departamento de Educación Primaria Indígena y Coord. Gral. de Traducción

Prof. Rigoberto Martínez García

Director del Instituto Estatal de las Lenguas Indígenas e Investigaciones Pedagógicas

Tének

Mtra. Sitlalxochitl Rubio Sotero

Náhuatl

Mtra. Catalina Hernández Félix y Rigoberto Martínez García

Xi'iuy Norte

Angélica Morales Hernández

Xi'iuy Sur

María Josefa Hernández de la Cruz

MESA DE APOYO PEDAGÓGICO: capacitacion.evalua@seslp.gob.mx

MESA DE APOYO TÉCNICO: informatica.evalua@seslp.gob.mx

Coordinación de Evaluación y Seguimiento

Tel. (444) 499 8000 Ext. 8147

evalua@seslp.gob.mx

San Luis Potosí, S.L.P.



Masau' peuk kauts' kichjau' butju'u re ly'ik kandaut se tichjau re kutap kichjau'

**Kutap kik'iai. Kanju' maiñ' kiñup riñkijii tichjau' re kutap kichjau'
EIA-01. K'ua lichjau rabu se banaung**

Ngunjiu' lipia: _____

Tipiñ: _____ Riñkijii lumei: _____ Ly'i ndjui O Ly'ii kiuang O

ikanen tutsjau! Nanji ngul'ajau luta'au ma nanu kanen ndutju'u ndutsjau re ly'ik riñkjiuk maiñ' ly'ik rikuant nkjai jiuk xi'iap se lupup nda biñkjiu niñkijii kichjau'.

Rabu se jiuk ma na'au li'ajaun' ma nakje' re kasaut ngk'uix lanju majau kanen se jiuk niju'u kenixau' napu niñkijii se ni'ujuñ maiñ' peuk ma nat'ei ma nabaik majau tasau'.

Latejel' majau kichjau, tad-ajaut miant rabu se lutueje ma namejep ma na'au rabu se l'ajaun'.

Peuk mane'ei ma natsjau:

1. Gyajaut majau rabu riñja se batsjau limi.
2. Gyist rabu se ki'ieje lukuas jiuk tiji tu'uei tigyajau, bichjaut rabu se baik maiñ' gyst xikji'ik pu tijiap se tsjeik'.
3. Se kimieng kundai tijiap ma nad-ets' re kily'e lania'at kigyits' nik'ix maiñ' kiju'u kigyajaun ngk'ueix rixuang.
4. Bimik lipi pu nde'ets kily'e, ndabun kily'e maiñ' ndakejep kimbiei'. Maiñ' lania'at kiki' xikjia' ma naka't re xikji'ik me'es bud-ua.
5. Se kad-ep ki'u peuk ma ne'ei, kijst skan'a kujui lamajau' ne kasau' ngk'uix lama kanuk' jui ma naseik peuk ma ne'ei ma natsjau.
6. Se kichau' ngul'ajau ma na'au rabu se l'ajaun', lanja kad-ep ma na'au ñ'ujuxt bichjaut napu se likiu'uch'. Se labaiñ kujui kukue'e chiaut ma natsjau napu se nanja.
7. Se nabaiñ' nichjau, kijist skan'a ne kasau' ngk'uix ma kameje pu nguk'uix. Ka ajiy kayum an konowixtaláb ani an exobintaláb xi u kwajbab.

K'ua lichjau rabu se banaung

Andrey maiñ' Alejandra ndunju pu kul'us kichjau pu ly'ik njaung rich'ejeñ se kad-ep mbajau l'eje lan'em. Paik kupu se jiuk tixau' maiñ' kupu bakja but'ujuñ. Rajuk ma nakju'uts nanju peuk lat'ei lanjaung sad-ia rich'ejeñ bajau mep ma nan'eiñk maiñ' ma naljung kupu se tixaun'. ibiap!

1. Gyajaut ranji kily'e statjum bi'iaut rabu se l'ajaun'.

Rich'ejeñ mep ma nan'eiñ

Re ly'ik riñkjiuk maiñ' ly'ik rikiuant bumjei majau ma suejeñ kupu ma nat'ei ma natju'u majau ma bad-iut. Maiñ' bumjei ma nakje'eik majau peuk bakja rich'ejeñ ma nanjaung se ma taljung kad-ep ma ban'eiñ. Xem lem pu kul'us kichjau' kupu im limi rich'ejeñ se mep majau ma nanjaung se re ly'ik latju'ut lanjaung rich'ejeñ im ba'aus kad-ep mbanjaung sad-ia rich'ejeñ se bajau ma nad-iut kupu bat'ei bupaun re rich'ijiñ bajau statjum njaung rabu se mep mbajau rabu se majau ma nanjaung lem rabu stikiuang riñkien', riñkie' ngkuang bata'.



Se lanjaung sad-ia rich'ejeñ se im lumei ngupui' maiñ' im ba'aus kujui maljus lakeje ndan'em na'ua ndan'em niñchaul kiñkie' kikjii maiñ' lijiañ im pimbii, kupu se bat'ei bunkjua'an ngk'uix keich' xikji'ik re rich'ejeñ se mep majau ma nanjaung rabu bupa'ap lem ma naljaung manjaung kujui kad-ep mbanjaung riñkie' ngk'uang maiñ' sad-ia stikiuang manaung.

Mi'ia re rich'ejeñ se l'eik im lumei kad-ua niñchaul, l'jus, maiñ' nimbiui' sau' rabu se matsjau kul'us rabu re majau ma nal'eik re l'us kichjau'.

Bimia'at se ma namei majau ma kusuejeñ tumei manatsjau ranji:

- Ma namejep ranju' kich'ejeñ lem se ma kusuejeñ: kiñauung stikiuang manaung riñkien sad-ia xikiach maiñ' piñ'u, nkjue' sad-ia rich'ejeñ se k'ua lulejep re ba'aik.
- Majau masau rich'ejeñ re rapu se laseik.
- Majau ma natseiñ se ma natsjau re rich'ejeñ.
- Ma nanaung rabu se kiki' peuk se stiñkjiak, kanen ngul'ajau tutsjau maiñ' kusau' riñkijii tumei.

Ndukjua'at: Kju'uts peuk ma nat'ei ma suejeñ maiñ' ngul'ajau batsjau.

a) Statjum se nigyajau ra'a kily'e gyist kanju bat'ei kad-ep majau mbasejeiñ re kul'us kichjau.

1. _____

2. _____

3. _____

c1a1

☐

b) Alejandra bumang ma natsjap re ly'ik kandaut lanjaung bajau rich'ejeñ. Bimiat rabu se nichjau kutap kiñju kad-ep mbanjaung bajau rich'ejeiñ maiñ' gyist kanju' ma nat'ei ma natsjau bajau rich'ejeñ.

1. _____

2. _____

3. _____

c1b1


☐

c1b2

☐

Ne kasau' ngk'uix Andrey maiñ' Alejandra ndumang im li'iajaun' ma natsjau rich'ejeñ bajau kupu ngul'uei kum'us, kul'us maiñ' kul'us kichjau'. Alejandra be'eje bunu'u su'ua lumei kad-a "tjiap makajaul'" pu kimijiu limi stikuiang manaung maiñ' riñkie' ngk'uang manaung. Mi'iat lamjang ma napjà.

2. Gyajaut maiñ' tad-ajaut nanji ndut'ei kaat, statjum bi'iaut rapu se l'ajaun bud-ua nixii nguk'uix.



- a) ĩkad-er majau lutsjap pu tijiap kusaut se bat'ei k'eje kich'ejeiñ re tanjiat maiñ' re l'ueik kum'us?

c2a1

- b) Re ngul'ajau se batsjau re tijiap kusaut, ĩlutsjap majau pu nimiau maiñ' ngujaung? ĩpeuk ki'ieje kja lun'eiñ? Miant majau gyist

c2b1

- c) ĩPeuk lania'at me'ei matu'u sad-ia li'iajaun k'ua ma nanaung pu kul'us kichjau maiñ' kumejeu se kad-ep ma nan'eiñ ne nimiai maiñ' ngujaung? Miant peuk lania'at lat'ei.

c2c1

3. Andrey nduta'au peuk mane'ei ma natsjau rich'ejeiñ bajau, ndukueje peuk me'ei matsjau kad-a kich'ejeiñ make' chipia chikiau. Ñut pu se keich' rapu se bupeje, biap pu Andrey maiñ' Alejandra ma natsjau natei' rabu ngul'ajau se kunji nixii likiu'uch' bud-ua.

Rich'ejeiñ chipia ngutue' chikiau

Bake' lutueje ka nda lee:

- ¼ kiñkie' masajaiñ ngumujui maba'au (37 g)
- ½ tas matse'el napai (87 g)
- ¼ tas stakat matse'el (34 g)
- 1 Masajaiñ nguts'aung(15 g)
- ¼ chipia ngutue' chikiau (45 g)
- 2 Ljua me'e
- Kusau' stik'iau
- Masajaiñ niñkie' ngukuang matse'el
- Me'eix nanas mabauts'

Rabu se l'eje majau ma nanaung su'ua': 226 Kcal.



- a) Andrey maiñ' Alejandra mjang ma natsjau ranji kich'ejeñ ma nal'ent nda lyen ndansjau ly'ik se kaat skad-a tijiap tichjau'. ¿kusau mejeung kje' ne ngumujui maba'au, lapai, stagat, nguts'aung maiñ' chipia ngutue' chikiau?

Gyist kusau bake re rapu se bud-ua keich' kusau ma nake'.

Ngumujui maba'au	lapai	stakat	Nguts'aung	Chipia ngutue' chikiau

- b) Nkjai bat'ei batsjau ngumajau kichjau', pu ly'ik riñkjiuk maiñ' rikiuant batsjau kad-a kich'eñ chipia ngutue' chikiau ma nal'ent 134 ly'ik kandaut. Chu', ¿kusau ma nakje' re ranji se bupeje re kich'ejeñ?

Gyist peuk ni'i nikiji maiñ' kusau ma nake' se kanda re rapu se bupeje.

Ngumujui maba'au	lapai	stakat	Nguts'aung	Chipia ngutue' chikiau

4. Andrey, Alejandra maiñ' rapu kad-at ly'ik mjang ma natja'au peuk ma nat'ei ma natsjau majau suejeñ re ly'ik riñkjiuk maiñ' rikiuant se tichjau rapu kul'us kichjau', nkjai': ma natsjau nda nguk'uix se lamei rich'ejeiñ bajau peuk me'ei matsjau maiñ' l'eje mjang ma nalju'u rabu se ma nakje' ma natsjau rich'ejeiñ.

a) Gyist, majau peuk me'ei matsjau, peuk ki'i kichjau rabu pu kul'us kichjau tixau'. Lumei ranju ngul'ajau se ma namang kanen matsjau kutap, kanen ma naku'uts ma natsjau maiñ' rabu se statjum ma natsjau, maiñ' k'ua ma natsjau kad-er ma nakje'.

1. _____

2. _____

3. _____

c4a1

☐

b) ěkiñju ki'ieje' li'iajaun ma naku'uts majau rabu ngul'ajau se ki'ieje'?

c4b1

☐

iGyuseje'eun nibiaik ni'au ranji!



Masau' peuk kauts' kichjau' butju'u re ly'ik kandaut se tichjau re kutap kichjau'

Kutap kiñui. Kik'iai maiñ' telñujuñ niñkijii re kutap kichjau'
EIA-02. a tuma'aiñ se bat'eiñ re ly'ik bumjei' skad-a lat'ei lanjut

Ngunjiu' lipia: _____

Tipiñ: _____ Riñkijii lumei: _____ Ly'ii ndjui O Ly'ii kiuang O

ikanen tutsjau! Nanji ngul'ajau luta'au ma nanu kanen ndutju'u ndutsjau re ly'ik riñkjiuk maiñ' ly'ik rikuant nkjai jiuk xi'iap se lupup nda biñkjiu niñkijii kichjau'.

Rabu se jiuk ma na'au li'ajaun' ma nakje' re kasaut ngk'uix lanju majau kanen se jiuk niju'u kenixau' napu niñkijii se ni'ujuñ maiñ' peuk ma nat'ei ma nabaik majau tasau'.

Latejel' majau kichjau, tad-ajaut miant rabu se lutueje ma namejep ma na'au rabu se l'ajaun'.

Peuk mane'ei ma natsjau:

1. Gyajaut majau rabu riñja se batsjau limi.
2. Gyist rabu se ki'ieje lukuas jiuk tiji tu'uei tigyajau, bichjaut rabu se baik maiñ' gyest xikji'ik pu tijiap se tsjeik'.
3. Se kimieng kundai tijiap ma nad-ets' re kily'e lania'at kigyits' nik'ix maiñ' kiju'u kigyajaun ngk'ueix rixuang.
4. Bimik lipi pu nde'ets kily'e, ndabun kily'e maiñ' ndakejep kimbiei'. Maiñ' lania'at kiki' xikjia' ma naka't re xikji'ik me'es bud-ua.
5. Se kad-ep ki'u peuk ma ne'ei, kijist' skan'a kujui lamajau' ne kasau' ngk'uix lama kanuk' jui ma naseik peuk ma ne'ei ma natsjau.
6. Se kichau' ngul'ajau ma na'au rabu se l'ajaun', lanja kad-ep ma na'au ñ'ujuxt bichjaut napu se likiu'uch'. Se labaiñ kujui kukue'e chiaut ma natsjau napu se nanja.
7. Se nabaiñ' nichjau, kijist skan'a ne kasau' ngk'uix ma kameje pu nguk'uix.

K'ua latsjau kad-ep ma nat'ux natsjap re ly'ik skad-a lat'ei lanjut

Lupita, Juan maiñ' Paquito kuma ndunju se nama bad-iut tily'ajau tichja'au leet kuma ndumje sad-ia lutuejet ma natsjau, bumjei ma namja'ai maljus maiñ' ma naljung ma labut re xily'ajau snake'et lutuejet. ibibik biap ma nateik ranji riñja!

1. gyaaut ranji kily'e. statjum bichjaut rabu se l'ajaun'.



- a) Bikjiaik pu ngunjia nkjai Juan, Lupita maiñ' Paquito, ¿kiñju li'iajaun' rabu se skad-a bakja maiñ' kale stiñkja' ngunjia ne lee?

c1a1

☐

- b) Juan kad-ep luju'u d-ua bake' ngupuju lumei bugua, kupu bat'ei kad-at ly'ik l'ejen' batsjap riñung. Se kiñu'u nanji niñja ¿jiuk kanen kichjau se ntumei nda majau tigyajauik nkjai Juan?

c1b1

☐

- c) Tad-ajaut peuk tu'uei tibiaun' se manaja kigyiu'. Gyist ranju bakja pu ngunjia se ndeu' se tumei kik'iai riñkijii, ranju' chu' se kimijiu pu kutap kichjau' maiñ' ranju puek ma takja xi'iap se Kimi nda lyen riñkijii. Bichjaut nda skikiji ka kad-ama se ni'i nigyits' se bakja pu ngunja se nama tu'ui kimijiu ne manutk.

Peuk lakja se tumei kik'iai riñkijii:	Peuk lakja chu':	Xi'iap se lupà nda lyen kunji ma te'ei:
1. _____ _____	1. _____ _____	1. _____ _____
2. _____ _____	2. _____ _____	2. _____ _____
3. _____ _____	3. _____ _____	3. _____ _____
Xikji'ik me'es	Xikji'ik me'es	Xikji'ik me'es

c1c1

c1c2

c1c3

2. Gyajaut maiñ majau ñut ranji lichja'aun, statjum bi'iaut rabu se l'ajaun'.

Nda kunju' kimijii Lupita maiñ' Paquito

Lupita xiik rik'ii statjum gyiun pu kiñk'lajau

Kupu bakja nan, mu nusep Paquito lamaik

Kad-ep lanjia'ap

Statjum se namaiñ ndu'eung pu kiñk'lajau

Paquito labajaut skimjleng

Sau' se jiuk labajaut pu skimjleng snamjeng kanje' ndjui.

Im ndateu'

iPaquito! ñkiñju timjieng pu snamjeng pu nju? Maiñ' jiuk, Lupita ñkanen tutsjau kipieje snamjeng pu nju?

sau' timjiem'

Paquito kad-ep majau ma lamjeng snamjeng ndjul ijiu kiuang! Maiñ' jiuk kiñkjiul iKad-ep majau ma tamjeng snamjeng ly'll kiuang!

Ki'iet, baik mu nutsjau rich'ejeñ

iKauk maiñ' lamang nubaik nutsjau rich'ejeñ!

iKad-ep! Ranji ngutajau ndjul. Jiuk kimiet kapak biejet nguba'ai chipia

ñKiñju' kauk lem tumei mu nubaik, Paquito kad-ep kanen lutsjau?

Lupita ligyajau be'eje sad-ia' kad-ep majau

a) ñKanen ne niñja se manaja mjang ranji ndut'ei kukuat?

- b) ĖKja ki'ieje majau rabu se lutsjau pu buts'u Lupita maiñ Paquito? Miant majau kanen ki'ieje.

c2b1

☐

- c) ĖJiuk kanen nichjau se kimijiu tu'ujuñ nkjai' Lupita maiñ' Paquito? Gyist rabu se lutueje rapu se lichjau. Lu'uei lu'ujuñ Lupita:

Lu'uei lu'ujuñ Paquito:

c2c1

☐

- d) Kupu se kimijiu Ėkupu majau ts'ajaik kanen ma natsjau pu ly'ik riñkjiuk maiñ ly'ik rikuant? Miant kiñju kupu ki'ieje'.

c2d1

☐

3. Juan maiñ' Lupita ndukuejei nda nguk'uix me'ets kad-a kily'e se ndu'ueje li'iajaun'. Gyajaut pu kily'e maiñ' bi'iaut rabu se l'ajaun'.

K'ua nik'ix lem xiñi'iu

Por Denisse López, 30 abril, 2019

Sunje'e k'ua ly'ii kunji kupu' skiñung

Re ly'ik kunji kupu' skiñung kaat ski'ast, kad-ep majau mbunju'ut, bat'aiñ but'ux batsjap, balei kad-a mape'en ly'ik rikuant maiñ' ly'ik riñkjiuk rimjiu'ut maiñ' kad-iut kaat sti'ast, rabu lutuejet kiñkie' mejep re ly'ik.



Ne niñkijii 2017 kad-a 2.5 millones kutue'mape'en kad-ep kuman kadaut, kad-a 3.2 millones kuma ndubu ngul'ajau, rapu kad-a 20% me'eu but'ujuñ ban'ajap ma nal'ajal'ajap.

Lukjuaik nabu se butung bunu'ut re ly'ik (UNICEF), telgya re kad-a seska'ai me'eu ts'au maiñ' tsu'ut pu kim'ijip kupu me'eu but'ujuñ me'eu ts'au kim'ijip, kul'us kichjau' maiñ' l'ueik kum'us.

Se ma nat'ei ma natju'u ma bad-iut maiñ' majau ma lakat re ly'ik riñkjiuk maiñ' ly'ik rikuant bu'ust Skiñung kad-ep majau mbakat, lem limi riñja me'eu but'ujuñ kad-ep mbatsep re xily'ajau snake'et lutuejet maiñ' mbuba'ap chu' statjum riñkijii.

- a) ¿kanen niñja be'eje pu nguk'uix maiñ' d-euk kanen lania'at latsjau?

c3a1

c3a2

b) Kupu se kimijju žkad-er riŋja k'ejè re ly'ik riŋkjiuk maiñ' ly'ik rikiuant?

c3b1

9

c) Kijit nda me'eu niñja se but'ujuñ re ly'ik riñkjiuk maiñ' ly'ik rikiuant kupu kily'ikum'us kim'ius. Gyist nda nguk'ueix lamejep kusau' kily'e kibiap nda chigui' buma'au kibiei xip kad-er riñja limi maiñ kanen lich'up se kad-ep bunju'u bateik ra'a riñja.

[illegible]

c3c1

5

Pu kul'us kichjau', pu kasau' ngk'uix se basap Lupita be'eje' limi balei se bat'ei bat'aiñ nda ly'ii, maiñ', se but'ujuñ sania' kupu bakja, bumjei ma natja'au nabaik labut xily'ajau snake'et lutuejet kupu lat'ei majau lakat. manei ndul'u'up kad-a nduet ngk'uix mankua'at ngumau ngul'us.

4. Ñut majau pu ngk'uix bunkua'an ngumau ngul'us bi'iaut rapu se l'ajaun' pu nixii nguk'uix likiu'uch'.

A)

Kunji bakja se but'ux batsjap

- ✗ Lem kipiaiñ Kad-ep ki'u' kanen limip ✗
- ✗ Xi'lap se mep lukujai' kipiajai' ✗
- ✗ Kipi'an kichu maiñ' tunjum ✗

Kad-ep kimeng ma natung kuas tut'aiñ ✗

Tu'eu' se lu'uei nama bad-iu' kad-ep majau kichjau' kipi ✗

Se but'ux batsjap nda ly'ii peuk se bat'ei bat'aiñ, rabu kad-ep mbanja'ap ma bad-iu' majau lu'eu' ngunjia maiñ' kanaung rabu mi'ia manup ma nameje.

#kad-epmanat'aiñrely'ik

GOBIERNO DEL ESTADO DE MÉXICO | ESTADO DE MÉXICO | MUJERES SECRETARÍA DE LAS MUJERES

B)

Se kiñu'u su'ua' se nanji lu'ujuñ sania'

Ly'ii kiuang, ly'ii ndjui maiñ' kad-iut, rimjiu'ut bat'aiñ me'eu but'ujuñ



iMiaut'!

594 95 83060 | direcciondifsmp1921@gmail.com

Sistema DIF Municipal, calle La Paz, s/n San Martín de las Pirámides

GOBIERNO DEL ESTADO DE MÉXICO | EDOAMÉX | DIF | SMP

C)

Miaut'

Kad-ep ma namjang ngunju'

Se ki'ieje bat'aiñ but'ux batsjap ly'ii rikuant maiñ' ly'ii rikjjuuk, kad-iu't maiñ' rimjiu'ut

(55) 5366-4500
Ext: 5320 / 5321

Procuraduría Municipal de Protección de Niñas, Niños y Adolescentes

Tlalnepantla nuestra ciudad 2019-2021

D)

Peuk bakja but'ux batsjap re ly'ii rikjjuuk maiñ rikuant, kad-iu't maiñ' rimjiu'ut

Bajai' Bat'eu' ngunjia

Bajaiñ Kad-ep mbutju'u ma naljung, mbubù kanen limip

But'ux batsjap Xi'lap se sani' me'eu ban'ajap lutsjau

Ban'ajap Ma manaja ninja bai natajandajau

Bajaiñ Xi'lap se bat'aiñ kad-ep majau mbutjung, mba'eung kich'ejeiñ mbum'eje kimijiu

Ts'uut Xi'lap se ba'an ts'uu



Se but'ux batsjap nda ly'ii peuk se bat'aiñ rabu kad-ep mbanja'ap ma bad-iu' majau lun'em ngunjia maiñ' kanaung

Kad-ep ma nanjat kiunt majau pu ly'ii bichet re xily'ajau snake'et lutuejet maiñ' majau lakat

www.sipinna.edomex.gob.mx | SIP-INNA

GOBIERNO DEL ESTADO DE MÉXICO | SIPINNA | EDOAMÉX

- a) ¿Neuk ne nguk'uix lumei sad-ia' li'iajaun' se k'ua laju'u lanu se nda ly'ii ndjui maiñ' ly'ii kiuang bat'aiñ but'ux batsjap? Miant kiñju niki'ik rabu.

c4a1

☐

- b) ¿d-euk re rapu ngk'uix niñu lumei sad-ia se ma namaik ma nata'au sad-ia li'iajaun ma nake nda ly'ii se bat'aiñ but'ux batsjap? Miant majau rabu se nikiji'.

c4b1

☐

iGyusejeung nibiaik ni'au nanji nguk'uix!

LA EDUCACIÓN COMIENZA EN CASA

► Brinda tiempo de calidad,
comparte lecturas con tu hijo (a)

*¡Leer en casa
también es educar!*

► Impulsemos
la lectura en
nuestros hijos ◀



¡Muchas gracias por tu participación!

La entrega de este cuadernillo es gratuita en apoyo a la economía de las familias potosinas, con inversión del Gobierno del Estado a través de la Secretaría de Educación de Gobierno del Estado.



Educación
Secretaría de Educación Pública

POTOSÍ
sin límites
GOBIERNO DEL ESTADO 2021 • 2027



SEGE
SECRETARÍA DE EDUCACIÓN
DE GOBIERNO DEL ESTADO

